



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti gradonačelnici Grada Sarajeva za potpisivanje
Memoranduma o saradnji između
Grada Sarajeva i Radiotelevizije Bosne i Hercegovine
(Prijedlog)

Predlagač: Gradonačelnica
Obradivač: Gradska služba za obrazovanje,
kulturu, sport i mlade

Sarajevo, septembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b). Statuta Grada Sarajeva („Službene novine Kantona Sarajevo“, broj 7/23) Gradsko vijeće Grada Sarajeva, na __. sjednici održanoj dana __. __. 2023. godine, donijelo je:

(Prijedlog)

**Odluku
o davanju saglasnosti gradonačelnici Grada Sarajeva za potpisivanje
Memoranduma o saradnji između
Grada Sarajeva i Radiotelevizije Bosne i Hercegovine**

Član 1.

(Predmet Odluke)

Ovom odlukom daje se saglasnost za uspostavljanje saradnje između Grada Sarajeva i radiotelevizije Bosne i Hercegovine.

Član 2.

(Potpisivanje memoranduma o saradnji)

Saradnja iz člana 1. Odluke uspostavlja se potpisivanjem Memoranduma o saradnji između Grada Sarajeva i radiotelevizije Bosne i Hercegovine, čiji je tekst sastavni dio Odluke.

Član 3.

(Saglasnost gradonačelnici za potpisivanje Memoranduma)

Gradonačelnica Grada Sarajeva ovlaštena je da u ime Grada Sarajeva potpiše Memorandum o saradnji iz člana 1., po stupanju na snagu ove odluke.

Član 4.

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo, __. __. 2023. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo, broj 7/23) kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

U cilju nastavljanja tradicije afirmacije pozitivnih umjetničkih vrijednosti kod naše najmlađe populacije, Radiotelevizija Bosne i Hercegovine izrazila je namjeru da vrati dječiji festival „Mali šlager” i isti održi prvog dana proljeća 2024. godine.

Radiotelevizija Bosne i Hercegovine zajedno sa Gradom Sarajevom i drugim prijateljima projekta vratit će dječiji festival „Mali šlager”, te time osigurati razvoj i napredak dječijeg stvaralaštva, kao i posticanje mladih muzičkih talenata da razviju ljubav prema muzici.

Grad Sarajevo će u skladu sa svojim objektivnim mogućnostima pružiti finansijsku pomoć i podršku dječijem festivalu „Mali šlager”, te će određena finansijska sredstva za ove svrhe predvidjeti u Budžetu Grada Sarajeva za 2024. godinu.

Shodno navedenom, a cijeneći značaj samog projekta, Gradsko vijeće Grada Sarajeva donijelo je ovu odluku.

FINANSIJSKA SREDSTVA

Sredstva za provođenje ove odluke osigurat će se u budžetu Grada Sarajeva za 2024. godinu.

RADIOTELEVIZIJA BOSNE I HERCEGOVINE u Sarajevu, ulica Bulevar Meše Selimovića 12, koju zastupa Generalni direktor, Belmin Karamehmedović (u daljnjem tekstu: BHRT)
i
GRAD SARAJEVO, ulica Hamdije Kreševljakovića 3, kojeg zastupa gradonačelnica, doc. dr. Benjamina Karić (u daljnjem tekstu: Grad Sarajevo)

potpisali su dana __. __. 2023. godine

MEMORANDUM O SARADNJI

Član 1.

Ovim memorandumom potpisnici potvrđuju namjeru međusobne saradnje u oblasti dječijeg festivala „Mali šlager” kojim će se nastaviti tradicija afirmacije pozitivnih umjetničkih vrijednosti kod naše najmlađe populacije.

Član 2.

Grad Sarajevo se obavezuje da će u skladu sa svojim objektivnim mogućnostima pružiti finansijsku pomoć i podršku, te da će određena finansijska sredstva za ove svrhe predvidjeti u budžetu Grada Sarajeva za 2024. godinu.

Član 3.

BHRT se obavezuje da će ponovo pokrenuti projekat „Mali šlager” kojim će se nastaviti tradicija afirmacije pozitivnih umjetničkih vrijednosti kod naše najmlađe populacije.

Član 4.

BHRT izražava namjeru da se dječiji festival „Mali šlager” održi prvog dana proljeća 2024. godine, dok bi se sa prvom fazom realizacije Festivala (objavljivanje konkursa, aranžmani, raspisi) otpočelo u 2023. godini.

Član 5.

Uspostavljena saradnja dio je nastojanja da BHRT zajedno sa Gradom Sarajevom i drugim prijateljima projekta na velika vrata vrati dječiji festival „Mali šlager”, te time osigura razvoj i napredak dječijeg stvaralaštva.

Član 6.

BHRT i Grad Sarajevo će preciznije oblike saradnje u vezi sa predmetom ovog memoranduma detaljno regulisati zaključenjem ugovora, ukoliko se za istim ukaže potreba i ukoliko obje strane to budu smatrale potrebnim.

Član 7.

Ovaj memorandum stupa na snagu danom njegovog potpisivanja.

Za BHRT:

GENERALNI DIREKTOR

Belmin Karamehmedović, gen. direktor

Za Grad Sarajevo:

GRADONAČELNICA

Doc. dr. Benjamina Karić

Broj: _____

Sarajevo,

Broj: _____

Sarajevo,